



Broj: 02-04-3-4361-1/21
Goražde, 10.03.2022 godine

Na osnovu člana 70. stav (1) i (4). Zakona o javnim nabavkama ("Službeni glasnik BiH" br. 39/14) u postupku javne nabavke radova na zimskom održavanju lokalnih putnih pravaca i ulica na području Grada Goražda za 2021. i 2022. godinu putem konkurentskog zahtjeva za dostavljanje ponuda, Gradonačelnik Grada Goražda donosi:

O D L U K U

o otkazivanju postupka javne nabavke radova na zimskom održavanju lokalnih putnih pravaca i ulica na području Grada Goražda za 2021. i 2022. godinu

I

Ovom Odlukom otkazuje se postupak javne nabavke radova na zimskom održavanju lokalnih putnih pravaca i ulica na području Grada Goražda za 2021. i 2022. godinu.

II

Postupak nabavke se otkazuje zbog dokazivih razloga koji su izvan kontrole ugovornog organa, i koji se nisu mogli predvidjeti u vrijeme pokretanja postupka javne nabavke u skladu sa članom 69. stav (3) Zakona o javnim nabavkama.

III

Ova Odluka će se objaviti na web stranici Grada Goražda www.gorazde.ba sa istovremenim upućivanjem ponuđačima koji su učestvovali u ovom postupku javne nabavke.

IV

Ovom Odlukom stavlja se van snage Odluka Gradonačelnika Grada Goražda broj 02-04-3-4361/21 od 02.02.2022. godine o izboru najpovoljnijeg ponuđača za izvođenje radova na zimskom održavanju lokalnih putnih pravaca i ulica na području Grada Goražda za 2021. i 2022. godinu.

O b r a z l o ž e n j e

Gradonačelnik Grada Goražda je dana 26.11.2021. godine donio Posebnu odluku o pokretanju postupka javne nabavke broj 02-04-3-4361/21 o pokretanju postupka javne nabavke radova na zimskom održavanju lokalnih putnih pravaca i ulica na području Grada Goražda za 2021. i 2022. godinu putem konkurentskog zahtjeva za dostavljanje ponuda.

Na osnovu navedene odluke objavljeno je Obavještenje o javnoj nabavci na portalu javnih nabavki dana 09.12.2021. godine.

Postupak javne nabavke provela je Komisija za javne nabavke imenovana gore pomenutom Posebnom Odlukom Gradonačelnika Grada Goražda.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da je postupak predmetne nabavke zbog uložene žalbe od strane ponuđača „Okac“ d.o.o. Goražde na tendersku dokumentaciju prekinut Zaključkom Gradonačelnika Grada Goražda broj 02-04-3-4361/21 od 15.12.2021. godine,
- da je po okončanju postupka povodom žalbe donošenjem Rješenja od strane Ureda za razmatranje žalbi broj JH2-03-07-1-3539-7/21 od 13.02.2022. godine postupak nastavljen dana 19.01.2021. godine,
- da su na adresu ugovornog organa blagovremeno pristigle dvije ponude od strane ponuđača „Kaja company“ d.o.o. Goražde i „Okac“ d.o.o. Goražde,
- da ponuđač „Kaja company“ d.o.o. Goražde ne ispunjava uslove za učešće postavljene tenderom u pogledu tehničke i profesionalne sposobnosti,
- da ponuđač „Okac“ d.o.o. Goražde ispunjava sve uslove za učešće koji su postavljeni tenderom,
- obzirom da je jedan ponuđač kvalifikovan u ovom postupku nabavke to e-aukcija nije mogla biti održana.

Shodno utvrđenom ugovorni organ je na osnovu člana 70. stav 1., 3., i 6. Zakona o javnim nabavkama, te na osnovu preporuke Komisije za provođenje predmetnog postupka javne nabavke donio Odluku o izboru najpovoljnijeg ponuđača broj 02-04-3-4361/21 od 02.02.2022. godine, kojom je kao najpovoljniji izabran ponuđač „Okac“ d.o.o. Goražde, a ista Odluka je zajedno sa obavještenjem i Zapisnikom o pregledu i ocjeni ponuda Komisije za javne nabavke dostavljena ponuđačima u ovom postupku javne nabavke.

Imajući u vidu trajanje samog postupka zbog žalbe koja je uložena, nakon protoka zakonom predviđenih rokova za dodjelu i zaključenje ugovora, utvrđeno je da je period do kojeg upravitelji cesta vrše zimsko održavanje lokalnih putnih pravaca i ulica shodno odredbama Zakona o cestama Federacije BiH, pri isteku. Iz navedenih razloga koji su izvan kontrole ugovornog organa, koji se nisu mogli predvidjeti u vrijeme pokretanja postupka javne nabavke u skladu sa članom 69. stav (3) Zakona o javnim nabavkama odlučeno je u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. Ponuđačima,
2. u spis,
3. a/a

